

四庫全書

史部

欽定四庫全書

欽定熱河志卷四十五

圍場一

國家德威遐播疆索恢宏木蘭千里泉甘壤沃界以
崖嶺亘以周絡我

聖祖仁皇帝因藩部敬獻牧場肇開

靈囿歲行秋獮

皇上式遵

前典每以八月行圍上塞

六飛于邁雲合景從名王左右躬屬橐韃以効馳驅將
忱惇習勞宣愷意莫隆焉夫易表三驅禮重四畋
雖在盛明不忘肄武若

今日中外一家懷柔震疊獻禽表貉大小從公古未
有也謹詳考規制恭錄

綸言

御製于簡端而以

宴賞

勞還羣藩上

壽諸典依次編載具列于篇志園場第五

聖祖諭旨

康熙六十一年九月

諭議政大臣等曰從前曾有以朕每年出口行圍勞苦軍士條奏者不知國家承平雖久豈可遂忘武備前噶爾丹攻破喀爾喀并侵擾我內地扎薩克至烏蘭布通朕

親統大兵征討噶爾丹敗走後又侵犯克魯論朕統兵三路並進至照莫多剿滅之今策妄阿喇布坦無端侵犯哈密地方朕徵發阿爾泰及巴爾庫爾兩路兵進剿策妄阿喇布坦聞之心胆俱碎乃遣策零敦多卜等潛往西藏剽掠毀壞寺廟土伯特地方已被殘盡朕又遣大兵前往擊敗策零敦多卜等復取西藏救土伯特于水火之中我兵直抵西藏立功絕域此皆因朕平時不忘武脩勤于訓練之所致也若聽信從前條奏之言憚

於勞苦不加訓練又何能遠至萬里之外而滅賊立功
乎爾等諸臣咸宜知之

皇上諭旨

乾隆六年

上舉行秋獮之典將以七月起行先是二月御史叢洞
奏

皇上切念武備巡幸行圍誠安不忘危之至意第恐侍
從以狩獵為樂臣工或以違遠

天顏漸生怠安所開非細方今紀綱整肅營務罔弛伏
祈暫息行圍以順養

天和奏入

上諭曰古者春蒐夏苗秋獮冬狩皆因田獵以講武事
我朝武備超越前代當

皇祖時屢次出師所向無敵皆因平日訓練嫻熟是以有
勇知方人思敵愾若平時將狩獵之事廢而不講則
滿州兵弁習於宴安騎射漸至生疎矣

皇祖每年出口行圍於軍伍最為有益而紀綱整飭政事
悉舉原與在京無異至巡行口外按歷蒙古諸藩加
之恩意因以寓懷遠之略所關甚鉅

皇考因兩路出兵現有徵發是以暫停圍獵若在撤兵之
後亦必舉行況今昇平日久弓馬漸不如前人狃於
安逸亦不可不加振厲朕之降旨行圍所以遵循

祖制整飭戎兵懷柔屬國非馳騁畋獵之謂至啓行時朕
尚欲另降諭旨加恩賞賚令其從容行走亦不至苦

累兵并朕性耽經史至今手不釋卷遊逸二字時加
警省若使逸樂是娛則在禁中縱所欲為罔恤國事
何所不可豈必行園遠出耶朕廣開言路叢洞胸有
所見即行陳奏意亦可嘉但識見未廣將此曉諭知
之

三月

諭直隸總督孫嘉淦曰國家武備不可廢弛朕于本年
秋月出口行圍原以訓練兵丁仿古獮狩之禮昔我

皇祖每歲舉行所經由道路及一切事宜俱有章程朕今歲踵行悉遵舊制但恐歷年已久地方官員或借端派累隨從之人或有恣意需索及強買物件不按時價者著總督孫嘉淦不時查叅毋得容隱

九月

諭諸王大臣等曰朕行圍回京之後恭讀

太宗皇帝實錄內載昔

太祖時我等聞明日出獵即豫為調鷹蹴毬若不令往泣

請隨行今之子弟惟務出外遊行閑居戲樂在昔時
無論長幼爭相奮勵皆以行兵出獵為喜爾時僕從
甚少各牧馬披鞍折薪自爨如此艱苦尚各為主効
力國勢日隆非由此勞瘁而致乎今子弟遇行兵出
獵或言妻子有疾或以家事為辭者多矣不思勇往
奮發而惟耽戀室家偷安習玩國勢能無衰乎此等
流弊有關於滿州風氣是以蒙

太宗皇帝諄切訓諭朕此次行圍諸王大臣中竟有耽戀

室家托故不願隨往者朕已為姑容亦不明指其人
夫行圍出獵既以操演技藝練習勞苦尤足以奮發
人之志氣乃滿州等應行勇往之事若惟事偷安不
知愧恥則積習相沿實于國勢之隆替甚有關係嗣
後倘有不知悛改仍蹈前轍者朕斷不輕為寬宥可
徧行傳諸王大臣及官兵等知之


謹按行圍講武所以習勞軍士綏馭羣藩實我
聖朝萬年

家法伏讀

聖祖成訓我

皇上明諭合揆同符蓋行健勵勤即以持盈保泰懲文
恬武嬉之失為久安長治之圖嗣是膚功疊奏
實賴八旗勁旅敵愾同仇所以訓練戎行者義
深遠矣

園場全圖



圍場規制

國語謂哨鹿曰木蘭圍場為哨鹿所故以得名地在蒙古各部落中周一千三百餘里南北二百餘里東西三百餘里東北為翁牛特界東及東南為喀喇沁界北為克西克騰界西北為察哈爾正藍旗界西及西南為察哈爾正藍旗白二旗界南為熱河廳界圍場外北為巴林東為土默特西為西四旗察哈爾南則入圍場之路也圍場四面立界曰

柳條邊自波羅河也入圍場有二道東道由崖口
入即石片子也西道由濟爾哈朗圖入每歲行圍
俱出入崖口乾隆二十四年建

行宮于濟爾哈朗圖于是

車駕行圍由崖口入則

廻鑾由濟爾哈朗圖若由濟爾哈朗圖入則

廻鑾由崖口遂以為例云

聖祖御製詩

六十一年秋出哨 四集

歲歲經由處山川照舊時峰巒不改色鬢髮已如絲勝
地清涼適衰年水土宜非因耽逸豫實借憇神思
隔嶺疑圓濶聞聲呼鹿隨歸營常早歇撫景自堪怡行
伍原齊備屏藩任指麾薄來厚往義遠近普恩施
御製詩

入崖口 辛未

朝家重習武靈囿成自

天匪今而斯今

祖制垂奕年巉巖圍疊嶂崖口為之關壁立衆山斷伊邇
奔赴川秋獨常經過每為遲吟羈雙峰開霽烟一水流
潺湲翠葉復黃葩高低入影妍去年巡洛伊伊亦有崖
口三塗及七谷較此夫何有一得考功詩羶薌傳至茲
我為足崖歎表章將待誰

於木蘭作

天文漏分野地志闕開縣博覽山海經荒略一二見上

林牟內地木蘭闢塞甸中外久一家敬奉金甌奠
單于讓牧場朝家置靈囿深戒武備弛於焉習獮狩崇
岡既壇曼叢樾亦美茂以故百物滋取豐留尚富

霜華霏漠宇窪稜紺絳斑蒙茸紫獮蒙八月披曉寒吻
鹿隨哨至樂此誠忘餐樂亦不可極於古戒遊盤

吳越近經巡山水信清美饒復藉人工未足云觀止隱
現固有時美善盡無比獨待表章人一為宣其理

宣理理乃味紛然起毀譽不及無名稱故吾猶古初劉

羸今何有守禦長城隅長城更以外時來習三驅
繡壁琳琅標樂洞笙簧幽眇聽欣不凡發思凌清秋青
山生白雲雲去山還留寄此片時興萬劫高峰頭

觸緒偶即景得句恒因心申命鄙枚侶染翰賡予吟清
詞出衆表妙理入細斟寧無不盡意秘藁貽知音

帳殿張雁塞毳服蒙龍光嘉賓式燕喜乳酒相黃羊錫
爵洽衆歡湛露流霞觴戒旨非所知古俗猶敦龐

楓葉續叠稜楊絲鎖曲隄動靜無窮觀智仁有餘樂佳

景四時宜最宜乃金昊曷其可久耽言旋勤政要

入崖口

壬申

伊遜九轉來遙源

伊遜即蒙古語所謂九也

崖口為東奔流湍重重

鎖鑰羅岌垣壁立萬仞天風寒地利一夫可當關太平
時節誰泥丸清秋按轡凌層巒駕言大獮朝可汗控弦
騎士數逮千發蹤指使遵虞官約束匪嚴亦匪寬要欲
上下同和歡詎惟從禽事遊盤于時獵也有道存

聖人家法敬繼旃

罷獵出崖口

罷獵出崖口休茲藩部羣蹠瞻仍戀戀歸去各欣欣山
向南來暖情留北望殷豐碑讀前作

去歲度崖口得詩
命樹碣崇岡上

緯武要經文

入崖口作

癸酉

縈紆塞水赴山溪霧歛高峰秋色淒仙境直攀千級磴
雄關誰藉一丸泥嘍榛石鼠如飛擲隱葉山禽不住啼
靈囿天成教習武往來每為駐驄蹄

出哨

納稼都完民氣和
往來廿日覺無何
詎貪朔塞連圍樂
且喜山村高原多
閒却鷹韝徐駿騎
馱來鹿角簇封駝
帷宮賦就權弢筆

近著搜哨鹿賦
四間數日未詠

觸緒依然事一哦

入崖口 乙亥

寒村野郭取次殫
山盪水厓入木蘭
兩峰排闥相關闔
萬林開畫紛黃丹
伊邈之流來西北
橋上青驄催得得
駝裝車載各遵塗
快獵非關歌勅勒
去秋未此鳴吟鞭

去秋由中開取道幸吉
林未入木蘭故不經此

今歲秋光如昔年鏡瀾俯看忽

自笑如何添許星星然

出崖口作

崖口臨秋季景光又一新輜裝載三獲村落見高園潦
盡鳴寒瀨林稀露衆皴最憐石田熟茅屋尚多貧

入崖口 丙子

底須連網結周陸獵壤神臯控廣輿自有萬峰作郭郭
天然雙嶂是門閭入來草木皆仙意無礙山河只古初

懷遠習勞

家

法凜詎因哨鹿每勤予

入崖口 丁丑

九曲伊遜出峭崖

伊遜即蒙古語九數也是水發源木蘭中凡九曲而出崖口故云

巖

關秋色正清佳行時關武仍於是舊部新藩率與皆綠
棧疑從畫屏度俯溪每聽綠琴諧常年命駕非耽樂

仁

祖鴻模慎永懷

出崖口 戊寅

廿日木蘭事大逸惠邀示度禮初脩罷園纔出哨崖口
遵路旋過野渡頭漫邀友羣歌惡率恰欣塲圃報登秋
山莊錫宴應聊駐懷遠寧教憶澤稠

入崖口 己卯

九曲伊邐

讀作平聲伊邐
蒙古語九數也

水雙尖崖口山又將試秋獮

曾未改峯顏習武朝家重來王諸部閑駝鈴過輜重活
畫翠巖間

出哨

出哨過巖柴山川頓爾殊可耕地無隙

凡山頭崖四壑闕率遍有

獲戶多愉為

去聲

喜食衣足寧詢賦稅輸觀光殷父老莫

漫警前途

入崖口

辛巳

九轉伊松漲始消吉驄攬轡度溪橋按程也欲輿情愜
習獵從來典制昭紅點綠林蜀錦織水淙石激塞琴調
巖葩盡是芬陀利便爾香山未覺遙

香山亦有崖口
見宋之問詩

出哨

辛巳

出峭登平陸行行見野莊千山樓晚稼一嶺隔秋霜
園場
內已降霜伊邇各口以外則無蓋一嶺之隔也
獲祇常年半較猶內地強釜炊
賴少濟慰不抵憂長

鹿柴

鹿柴護周陸虞人謹守諸設聽雉兔往了識谷陵虛
木蘭

谷口例用木柵為限揣不免竄竊設竟如孟氏言固果
七十里已實估芻蕘雉兔地什之七且芻蕘雉兔者必
將相爭滋事久之芻蕘空
而雉兔絕又將何以為園
盡信彼為阱吾聞亦子輿輞
川又曾有較此竟何如

入崖口 癸未

崖口隔年入獵場間

去聲

歲移依然九曲瀾

崖口蒙古名伊遜伊遜者

九數也是水凡九曲而出崖口故有是名

越好萬峯披小試平原騎

每入崖口就平

川試行小圓國語謂之阿達密

無殊大獮規行營遙在望蔽野列旌旗

於木蘭即事雜咏

獵所

天

開玉塞垠年年秋令一來巡若論七十里文圍十倍過

之不礙民

奮武柔遊

祖

意深習勞率衆勵予心邇來頗益新歸附執役輪年厠

羽林

迷離莎阪曉霜輕寥廓秋空每放晴宜獵固然且宜詠
好山處處有逢迎

疊林極目渥如丹初試毳衣迫曉寒詎是靈臺舛節候
却緣一嶺過興安

白露為霜鹿有聲哨來又角面前呈鮮葩恰供

恐寧膳勝百圍中射獲情

秋空大野夕風吹月色如霜萬帳披牧馬歌駝聲盡好
少卿當日厭聞時

文臣日日候和門分鹿均教以次論曰勢曰時可無此
想非徒作面從言

點筆惟言意遇欣雕蟲那復用心勤便教懶祭窮工力
寧出相如賦所云

出哨口見村居秋成頗佳詩以誌事

東進由西出輪年景頓殊柳條橫野限

結柳條以為邊限木蘭及盛

京國場皆有之

楓色隔峯無火種山皆濯霜收圃不孤行行接

民舍歷歷驗農劬虎落一家聚魚鱗薄賦輸幸逢今歲
耳敢忘去年乎縱見高囷慰還懷漏釜吁何非雇民莫
豈曰事遊娛

柳條邊

甲申

盛京柳條邊木蘭建一致彼乃亘界設此惟據要置所
以限内外事殊實同意周遮禽獸山匪牟耕桑地麋鹿

寔誠甚難兔往斯愧

孟子斥齊國曰為寔稱文曰同民其辭皆已甚而害意未爾原有

盜獸之罪重而不過發遣豈有如殺人之罪之理然誠使班兔弱菟者羣往而不禁則民將爭占相攻久而難

免為菟之地且不可得矣所謂盡信書不如無書也

獵罷出崖口柳條尚餘翠守

吏邊外迎

出柳條壺則掃除各地方有司臺之非園場章京之事矣

孰不遵茲制猶

然上古風示此結繩治

出哨

出哨歷山田納稼率已畢町疇圃場間常墉積一律往

歲霜降早晚蕎或致失今歲霜降遲收蕎倍堅實隴蜀

望全副索綯葺廬室不飢自鮮盜村村樂寧謚椎髻蓬頭輩迎蹕里門出爾我誠何脩幸茲遇豐吉

入崖口 乙酉

九曲轉羊腸

伊遜之水由崖口出伊遜蒙古語九數也是河發源開場中凡九轉而至此俗又謂

之羊腸河

崖口實扼要於天法漢橫於地象河繞孕育關靈

境富有供獵校詰戎具深意

祖武敢弗劬是時正快霽紫翠繪萬峭舊藩及新附執役

咸如約撫此益戒慎詎曰斯尋樂

出崖口

圍期減兩日

圍期率以廿日為度茲欲速旋熟河請

安故減兩圍

百里更偷程

向例東入西出今歲仍由東出以程近百里也

圖展衷懷切兼紓

慈念繁武謨良具藏農務幸豐成南望山莊近仍馳進麗

坪

以出哨遣額駙福隆安先馳至山莊問安並進圍中所獲鹿

出崖口

丙戌

獵返循流下峯形九轉紆

伊遜水九轉而出崖口水九轉則峯亦隨之伊遜蒙古語

謂九圍期仍致減

圍場歲以二十日為期昨歲因皇太后駐蹕山莊急欲旋程問

安減兩圖日今年
仍循例減四圍云
懸念欲因申邊限綠柳在
今歲秋喧

邊尚餘
途登黃土新
外邊以內皆草地以
沿觀深慰者原

復見高園
熱河一帶夏雨稍缺深厓秋成或減茲園場
畢獲沿村露積充盈仍屬中豐景象足慰殷

懷也

入崖口 丁亥

溯源九曲水
崖口蒙古名伊通喀卜齊爾伊遜者九數
喀卜齊爾者崖口是地水凡九轉因以得

扼要兩崖山地限神仙境天開虎豹關錦屏圍匝

琴峽瀉潺湲小獵宜新霽
是日登程逢陣雨入崖口即晴
諸藩喜動顏

出崖口

水抱山環歷幾重
獵場出便闌村農塞田節令先一月
納稼全疑屆孟冬

詰戎聊寓習威儀
往不遷延返不遲
急欲山莊申

定省近年每復減園期

入崖口 戊子

壁立幾千仞
縈迴九曲流
笙竽吹設籟
錦繡繪清秋
過峽得寬甸
小園例試蒐
驚麇一發中

進崖口日例佈小園過一庵逸至觀

欽定四庫全書

卷四十五

發矢殪之同郵進

皇太后以佐甘旨

馳進命官郵

入崖口 庚寅

崖口入圍場川圍小試張

入崖口後例於平川先試小圍次日方於山中佈大圍

野流左復右塞樹綠兼黃見獵心猶喜少年習未忘然
今知鄭重弗亟驟龍驟

出哨

出哨坐輿行

自京師啟行日乘馬圍畢出哨乃乘輿今歲有勅自啟行即宜乘輿者未從其請也

例然不欲更棉披滿谷暖玉積數峯晴散遣北藩騎評

量秋讞情

每歲此際乃閏秋審冊時人命所繫不敢不情

園場一再減所獲尚

豐盈

入崖口

辛卯

河非亦九曲

是處河名伊遜蒙古語九數也自發源處九曲而出崖口

地險設雙崖

秋景依然好小園按例排

甫入木蘭境例試平川小園次日乃大獵

馬調麕

足怯鷹攫雉毛篴十里穠廬近拈吟正復佳

出哨

哨裏今秋暖哨寒出哨逢化工具神運

天愛有殊鍾筑奏風鳴樾畫張雪積峯

是日微雪

行宮原避冷

拈詠得從容

入柳條邊

癸巳

盛京柳條邊延袤數百里木蘭柳條邊長無半里耳彼
施平地此依山每因谷口為植援串半功倍聊示禁遮

羅崇嶺原周千里如雄關

木蘭同千餘里木喀爾沁教漢翁牛特諸部地康熙年間

其王公等以地進獻遂為圍場並非奪民之產而近省
流民至者不可不防其墾佔每於邊界依谷口植柳為
提以示限制而非申以厲禁人自
不敢潛越耕牧之法誠盡善也

朝家習武有常例非

年民產奪耕地流來雁戶反侵占不可無斯為限制春
柳青青秋柳黃入邊咫尺即圍場平原策馬小試獵非
關心喜應自強

入崖口

甲午

柳條邊界植援搭九曲伊遜

讀作平聲

又溯之排闥兩峯錦

與繡張屏四面盡今詩懸流水響平流寂遠望山高近
望卑豈不長年熟經歷一回到別一興思

入崖口

乙未

源溯伊遜

平聲

那藉航野橋渡騎安而康雙峯畫意興詩

思八月今時即昔光例試小園平甸合

用三四百人於平甸列小園

語謂之阿達密每入崖口即行之

仍驅吉駿六鈞良一鷹一箭無多獲

近崖口獸尚少是日抵射一箭即射一鷹

適接軍書便賜將

駐行營後適阿桂等奏至現已

合團勅烏圖指日可克既批答諭示即以所射之鷹分賜阿桂豐昇額明覺保均愷惠且曰初聞獲禽為成功之兆

出哨

此進還此出人情率習常

伊瑪圖卜克爾皆可出哨但由彼二處行則多一兩程故

人皆願仍由伊遜之路而出遂亦從之

向南因漸暖白露未為霜九月尚

遲獲

往歲出哨則收穫已畢今年節遲故尚有未獲完者

千村始築場雨滋弗種

麥

昨雷雨而北地候寒不可種秋麥農家但翻犁為來歲之計耳

翻垡總農忙

入崖口 丙申

伊水崖口纔五渡伊遜崖口乃九迴

伊遜水自源頭至此凡九曲因得名

伊遜蒙古語謂九也

木蘭行圍率由入壁立萬仞一線開一夫當

關萬夫退年年秋獮慣往來成功將士羣虎蹕金川險

問倍此哉不翼而飛附而上堅碣林立無弗摧既喜既

懼既憐憫身異渴勞心曾陪

木蘭雜詠

脩獨行秋令憑與避曉涼

向至木蘭從無乘輿之事近因予春秋已逾六十數年來

自行營至看城始乘肩輿以避曉涼至上園則仍乘馬

臂雖病猶勉心不息斯強

扈此舊新部

內札薩克蒙古王公台吉及輪流入覲之土爾扈特年班回部伯克等並扈從行園

非他左右王孫曾慎聰聰

家法莫教忘

習武將柔遠未當廢以偏往還期廿日

自八月十六日啟塞至九月初

八日回蹕熱河計違侍 聖母僅二十一日然越數
日即遣御前侍衛馳至山莊請 安並以親射之處
廬等 恭進 溫清閣

高年通驛恒如

豫射生時進鮮前茲原不覺近歲每情牽

草淺獸肥候非春合是秋當塗言豈當

魏文帝典論謂歲之暮春和風

肩物弓燥手柔草淺獸肥云云其言非知獵者蓋春草
雖淺而獸不能肥必待秋深草枯蕪原平淺方堪馳騁
而獸亦至此時乃肥碩至於弓力尤須
風高始勁若春多陰雨弓安能燥乎 司馬諫難由射

祇勝弓弱馳非下阪脩

適年因臂痛不能挽強而獸至
猶常命中但不似向日之馳射

峻阪耳

天然景如繪亦每有詩酬

孔有其祁類鹿麋麋麋麋麋麋紛上塞颼颼鄙西京直

闔帳棚入生搏僕役爭獻禽署閣部翎褶果循名大學士于

敏中於行帳中蒞活麋一以獻因今年新賜以雙眼翎黃褶故戲及之

等城近咫尺

尖營及看圍城俗皆謂之等城蓋因等候得名

曉往便傳餐調鼎

或親視厨盤協衆歡

每過看城樽膳之日親視調和湯飯並盤列煮羊賜御前大臣侍衛

及扈從行圍之舊藩新部諸王因之悟飽煖寧即忘飢

寒設曰大烹養惟期戎索安

玉塞秋行旅徐家畫不如

石渠寶笈有徐家關山行旅圖

林疏風拂葉

嶺峻騎牽輿

肩輿上山繫繩杆令侍衛騎馬上在前分左右搜引以減奉輿校衛之勞

布帳

開山市牛車趁晚墟入宵景更好星野朗安居

入崖口

巳亥

仲秋入崖口九曲溯雲源又值行圍候毋忘

家法原兩年閱瞬息小獵習橐韃

初入崖口必先小試行圍予以親御橐韃遇麇

鹿輒射之以次日即有圍場預為演習也

試看南流水動中不動存

入崖口小獵作

辛丑

我昔伊水遊崖口無過即景吟數首木蘭行獵崖口經
習武

家法惟敬承以此較彼輕重擬我意在此不在彼去年大
慶因罷園今歲依例秋獮舉叶通閨林彫塞草黃鷹眼
疾馬蹄輕矣駐營平甸試小獵三磨連中衆忭喜臂病
兼之逾古稀自揣不謂能如是斯實宿學所致然可以
絜矩於萬理

出鹿柴門

門經鹿柴總肩輿

向年出入鹿柴門率乘馬自已亥始乘肩輿而園中仍騎射如常云歲

過古稀應是如遵養因圖理幾政自強寧祇在佃漁筐

筐率已大娛衆弓馬原仍未廢初六年來於此矣

子自十二

歲恭隨

皇祖木蘭行園自乾隆辛酉後家法歲以為常閏今六十年矣

靜思一瞬

閏居諸

木蘭雜詠
壬寅

木蘭

皇祖幸高年繩

武而今廟佛肩設以憲書論甲子亶然中更益淒然

進圖崖口路從西今歲迤西雨澤稽以此林中鹿遊少
尋思豈為獲禽兮

馬卿諫失詰戎訓文帝馳忘馭朽篇執兩由來在斟酌
用中亦欲達經權

隨獵諸藩舊與新有宜左右日相親思量致此非容易
祖德欽承告後人


出鹿柴門

西進今年向東出伊遜

平聲

仍此渡谿河往還廿日纔一

霎仲季金秋消幾多自是龍沙爲戶闥底須鹿柴費遮
羅興來欲問王摩詰較爾輞川竟若何



欽定熱河志卷四十五

欽定四庫全書

史部

欽定熱河志卷四十六

詳校官編修

臣曹城

檢討

臣

德生覆勘

總校官舉人

臣章維桓

校對官編修

臣勵守謙

謄錄監生

臣曹洪梁

欽定四庫全書

欽定熱河志卷四十六

圍場二

圍場規制

木蘭四面樹柵界則內外按八旗以一營房統五
卡倫方位則鑲黃北之東正黃北之西正白東之
南正藍南之東鑲藍南之西正紅西之北鑲紅西
之南鑲白在正藍鑲藍之間各有地界分司稽察

營房八旗各一鑲黃旗在奇卜楚高正白旗在納
林錫爾哈鑲白旗在什巴爾台正藍旗在石片子
正黃旗在錫拉扎巴正紅旗在扣肯陀羅海鑲紅
旗在蘓木溝鑲藍旗在海拉蘇台

卡倫八旗各五鑲黃旗曰賽堪達巴漢色欽曰阿
魯色呼曰阿魯呼魯蘇台曰英格曰拜牲圖正白
旗曰巴倫崑得伊曰烏拉台曰錫喇諾海曰納林
錫爾哈曰格爾齊老鑲白旗曰噶海圖曰卓索曰

什巴爾台曰麻尼圖曰博多克正藍旗曰木壘喀
喇沁曰古都古爾曰察罕扎巴曰汗特穆爾曰納
喇蘇圖扎巴正黃旗曰庫爾圖陀羅海曰納喇蘇
圖和碩曰沙勒當曰錫喇扎巴曰錫拉托巴色欽
正紅旗曰察罕布爾噶蘇台曰阿爾撒朗鄂博曰
麻尼圖布拉克曰齊呼拉台曰布哈渾爾鑲紅旗
曰海拉蘇台曰姜家營曰西燕子窩曰郭拜曰和
羅博爾奇鑲藍旗曰珠爾噶岱曰蘇克蘇爾台曰

卜克曰東燕子窩曰卓索溝八旗官兵分守焉

色呼圍場

謹按國語稱圍場曰憐罕

在鑲黃旗阿魯色呼卡

倫之西色呼河源出焉

呼魯蘇台圍場在鑲黃旗阿魯呼魯蘇台卡倫西

南

巴爾圖圍場在呼魯蘇台圍場西南

岳樂圍場在巴爾圖圍場西南有碑一恭鐫

御製虎神鎗記壬申九月作其北有塔錫呼達巴漢

御製文

虎神鎗記

虎神鎗者我

皇祖所貽武功良具用以殄猛獸者也國家肇興東土累
洽重熙惟是詰戎揚烈之則守而弗失

皇祖歲幸木蘭行圍諸蒙古部落雲集景從予小子雖不
敏續承之志其敢弗懷故數年以來巡狩塞上一如曩
時蒙業藉

靈四十九旗及青海喀爾喀之仰流而來者亦較前無異
焉若輩皆善射重武使無以示之非所以繼

先志也園中有虎未嘗不親往射之弓矢所不及則未嘗
不用此鎗用之未嘗不中壬申秋于岳樂圍場中獵入
以有虎告而未之見也一蒙古云虎匿隔谷山洞間彼
親見之相去蓋三百餘步朕約畧向山洞施鎗意以驚
使出耳乃正中虎虎咆哮而出負嵎跳躍者久之復入
復施一鎗則復中之遂以斃焉蓋向之發無不中乃於

谿谷叢薄目所能見之地斯已奇矣而茲岳樂所中則
隔谷幽洞並未見眈眈闕如之形於揣度無意間馥焉
深入不移時而殪猛獸則奇之最奇其稱為神良有以
也夫萬乘之尊詎宜如孟克特庫之流誇一夫之勇哉
孟克特庫沁蒙古人特庫滿洲今為
內大臣皆能獨搏猛獸如馮婦者而習武示度必資
神器以效奇而愉快則是鎗也與兇戈和弓同為宗社
法守不亦宜乎

珠爾圍場在岳樂圍場之西其南有鄂爾楚克哈

達北則珠爾河源出焉

巴顏木敦圍場在珠爾圍場之西其西北有五虎
爾濟達巴漢南有旺展達巴漢東則巴顏木敦河
源出焉伊遜河源在其西所謂伊遜色欽者也會
諸小水南流一百七十餘里由伊遜哈巴奇出圍
場界

默爾根烏里雅蘇台圍場在鑲黃旗拜柱圖卡倫
之西默爾根烏里雅蘇台河源出焉

巴顏郭圖場在默爾根烏里雅蘇台圍場之西其西南巴顏郭河源出焉

以上圍場東北界

巴顏布爾噶蘇台圍場在正白旗巴倫崑德伊卡倫之西北與默爾根烏里雅蘇台圍場接其西有畢老哈爾巴齊達巴漢其南敦達烏拉台河源出焉溫都爾華圍場在巴顏布爾噶蘇台圍場之東南準烏拉台河源出焉

諤爾根郭勒圍場在巴顏布爾噶蘇台圍場之西
南其西南有巴隆烏拉台河源出焉所謂烏拉台
三河源也郭達烏拉台準烏拉台二河源西流經
諤爾根郭勒圍場與巴隆烏拉台河合為烏拉台
河東流六十里至正白旗烏拉台卡倫出圍場界
達顏德爾吉圍場在諤爾根郭勒圍場之西其西
北有達顏達巴漢達顏河源出焉其北有碑一恭
鐫

御製古長城說

卷內

壬申九月作

畢圖舍哩圍場在達顏德爾吉圍場之西南其南

有納瑪達巴漢

德爾吉圍場在畢圖舍哩圍場之西

多們圖場在畢圖舍哩圍場之南其東北即巴隆

烏喇台河

布扈圖圍場在正白旗烏拉台卡倫之西

威遜格爾圍場在布扈圖圍場之西

御製詩

威遜格爾己卯

蒙古語樺皮室也傳聞

皇祖時奉

太皇太后避暑於此遺址尚存穆然起敬

威遜之言謂樺皮格爾平聲乃室憩居宜

東朝奉養

康熙代四苑較羸宣德時夏清常欽

孝思永秋蒐每撫

聖蹤遺即今

家法遵無數歲歲觀圍侍

懿慈

阿濟格赴圍場在德爾吉圍場之南阿濟格赴河
源出焉東北有伊遜烏藍哈達更東北則布扈圖
口乾隆二十三年以西域諸藩於此入

觀

金史卷之八
賜名伊綿峪

以上圍場東界

錫喇諾海圍場在正白旗錫喇諾海卡倫之西有
錫喇諾海達巴漢

噶海圖圍場在錫喇諾海圍場西北其西噶海圖
河源出焉

巴顏喀喇圍場在噶海圖圍場西南其北有拜布
哈達巴漢拜布哈河源出焉

察罕扎巴圍場在巴顏喀喇圍場東南

固爾班錫納圍場布察罕扎巴圍場東南

永安莽喀圍場在巴顏喀喇圍場西南有碑一恭

鐫

御製永安莽喀詩甲午八月作

永安莽喀

國語沙謂之永安岡謂之莽喀是地為入崖口第一圍場甲午

第一圍場猶近邊虞虞革獸已樊然諸藩扈是兒孫輩
列爵稱非左右賢馳愛平岡策紫駿中聯四鹿控朱弦

部旗常例笑何謂六十纔過曰老年

兵部八旗遇考驗武職年六十以上

者即免試馬射余春秋六十有四馳射如常甚矣部旗成例之可笑也

於永安莽喀作

入崖口第一圍場名譯語見昨歲詩題

乙未

沙岡初獵衆軍屯詎是永安徵吉言千二百人仍舊旅

列圍者一千二百人

別三四隊乃新藩

土爾扈特都爾伯特青海烏梁

皆舊四十八旗蒙古海別為四隊令乾清門侍衛領之隨圍學習

孫曾示度期無射

朕曾孫奕純今九歲始隨圍

家國詰戎矢弗諼五十三年事重憶射熊於此始承

恩

壬寅秋予隨

皇祖幸木蘭至永安莽喀圍中有一熊

皇祖謂

其已斃命御前侍衛引于去射之予甫欲上馬而熊突
起奔前皇祖御虎踰墮之事畢入武帳皇祖
指予顏溫惠皇貴太妃曰伊命貴重乃以
射熊事告之語詳避暑山莊紀思堂記

永安莽喀行圍

丙申

耳順過猶此據鞍孫曾家法俾勤觀祇因臂病產已愧

仍中

去聲

麇馳增衆歡

余春秋六十有六且臂瘍較舊猶甚方恐不能如前之挽強命中深

以為歎今日圍場馳過一廐始引弓試之應弦而飛騎

山莊進鮮味穹碑沙嶺閱精刊

甲午秋於永安莽喀行圍一日親殪四鹿曾賦

詩紀事並命立石其地昨歲始訖工今歲上圍經過茲地閱之則已豐碑深刻屹峙崇岡矣

設云獵

事應徵吉第一圍場即永安

於永安莽喀作

己亥

沙岡近崖口第一獵場呈

是地為入崖口第一圍場初地受

恩處終身法

祖情光陰驚水逝爽朗喜秋晴惜矣無前輩

憶壬寅年隨皇祖於

此行圍者今惟予一人得豫其時即茲蒙古王公之扈國者竟無與予同輩之人為之悵惜甲午秋於此作詩有諸藩扈是兒孫輩之句既道其實且以恩顧之也

勉之示後生

皇子皇孫及曾孫皆令隨圍

手柔挽弓燥路熟駕車輕一箭中

去聲

碩鹿獻

誰徒意怍

今日園中壹發種一犬壯鹿衆皆欣喜稱頌然不復能似往年之遣使馳獻予意竇因之

增
耳

坡賚圍場在永安莽喀圍場西北其南有烏藍哈達西即固爾班固爾班圍場

巴顏錫納圍場在坡賚圍場西南

默爾根精奇尼圍場在坡賚圍場北其北則默爾根精奇河源出焉

固爾班固爾班圍場在默爾根精奇尼圍場之西

其東北則沙第哈達與多們圍場接焉

克伊呼圍場在錫喇諾海圍場之南其北則克依
呼河源出焉

喀喇楚古爾蘇圍場在正白旗格爾齊老卡倫西
南其東納林西爾哈河源出焉

愛里色欽圍場在喀喇楚古爾蘇圍場之西其南
則布敦哈達布敦河源出焉西流經汗特木爾圍
場布敦河之南木壘喀喇沁河源出焉

庫庫哈達圍場在正藍旗木壘喀喇沁卡倫西北
其東南則庫克哈達南則珠爾達巴漢

汗特穆爾圍場在正藍旗古都古爾卡倫之北其
西則汗特穆爾達巴漢南則雲特穆爾達巴漢雲
特穆爾達巴漢之東有崆郭達巴漢

御製詩

過東嶺

戊寅

東嶺名汗特木爾過嶺即是獵場山不常經乃喜初遇

翠園紫邏紛屏顏塞樹新霜紅間綠野水出石潺且浚

地近園界獸雖少逸麇難避鳥號鸞

是日馳射一鹿隨箭而斃

新藩

創見咋舌嘆

時郝爾伯特貝勒及扎哈沁烏良海皆令隨園

舊屬熟悉額手歡

繫我所喜固有在景宜詩更餘清閒

以上園場東南界

塔里雅園園場在正藍旗汗特穆爾卡倫之北北
接永安莽喀園場南則伊遜哈巴齊柵有碑一恭

鍋

御製入崖口詩

恭載本
卷前

辛未八月作自此西折而南則

石片子營房所謂崖口者也

卜克圍場在鑲藍旗卜克卡倫之北其北有卜克
達巴漢卜克河源出焉有碑一恭錫

御製於木蘭作詩九首

恭載本
卷前

辛未八月作

御製詩

過卜克達坂

已卯

常歲迤東獵迤西此重尋

卜克達坂居木蘭之西界每
歲行圍率自崖口出入辛未

秋曹一
過此

廿園修歲事二豎待成擒績

武惟勤已運籌更悉心貞符如卜克願即遞佳音

過卜克達坂疊舊歲韻

庚辰

去年出哨過今歲進園尋果協貞符吉

舊歲九月初過
此有貞符如卜

克願即遞佳音之句迴
寒未踰月提報果至

早傳逆賊擒敢誇無事日益勵

有孚心翠柏丹楓處遙聞呦鹿音

過卜克嶺行園即景四首

本是賢王遊牧地非年農父力耕田却因流寓增於昔

私墾翻多占界邊

界限周陸禁制詳鬱盤過嶺即圍場詰戎柔遠於馬在
家法昭然敢不懷

過閏今年謂早寒迫來午熱拂秋鞍晚田賴此方成熟
南望心因萬姓寬

卜克誠然協瑞符新疆田牧創長圖爾時原未廢遊獵

已卯秋過是嶺有貞符如卜克之句益爾時田中雖屢
奏捷逆酋尚未獻誠今幸諸部胥定屯政具興還憶當
年戒徒率獮間北答
振函罔無稽畧刻也臨大事當有若無

過卜克達坂再疊前韻

癸巳

己卯庚辰俱嶺度

達坂漢語謂嶺也

入圍出哨必途尋

己卯由此出哨

庚辰則入圍

向欣吉協三軍戢茲盼貞符二豎擒

己卯過此有貞符如

卜克願即述佳音之句迴鑒未踰月捷報即至西師之功遂戢茲進勦兩金川惟冀擒索諾木僧格素二逆豎

亦如前此之速符言語耳

欲苟容翻致僭德不能已那惜勞心

兩逆商均

以內地土司敢於負恩反噬且於木果木單營戕害將軍將領實堪切齒除聲罪致討之外更無可言而賊酋

等恃嶮抗拒攻之亦殊不易然又不

能畏難中止雖籌畫煩勞所不惜也

驛騎封函豫遞音

本擬於重九日迴避山莊省減首一

聖母安並

以此情令御前
侍衛馳驛先奏

布都爾圍場適當中路在鑲白旗博多克卡倫之
北其南有博里哈達東則色利呼河源出焉永安
湃圍場在布都爾圍場之北有碑一恭鐫

御製永安湃圍場殪虎詩辛巳九月作碑旁恭鐫

御製永安湃圍場詩壬寅八月作備四體書其東有察
爾巴呼達巴漢察爾巴呼河源出焉南為伊瑪圖
河河有二源一為永安湃河一為齊老圖河至是

合流西南由麻尼圖卡倫出圍場界

御製詩

永安湃圍場殪虎

辛巳

白沙翠柏山四圍國語永安名久垂

國語永安湃者漢語沙地也

林

天石海滂湃披北人使馬如舟師陸離淫裔張魚麗藏

幽伏莽母或遺獵虞報有虎負嵎

叶

遂往殪之率攸飛

要遮前後緣岼巖威不可當曳尾馳失險遽卧淺草陂

隔谷下馬相高卑虎神鎗一發斃之厄魯回部胥扈隨

咋舌脫帽欽服其此亦偶然何足奇先是射鹿命炙炊
藉草為席樹為帷割嘗徧賜染指誰君臣和樂逮海崕
靈器世守

皇祖貽允戈和弓竹矢倭同珍其誰曰不宜

永安泮園場作

壬寅

崖口入臨獵場首東南胥號永安便

東伊遜崖口內首
園為永安莽客西

伊賜園口內首園為此永安泮園場內地多仍蒙古名
惟此二處則國語永安為沙莽客謂岡泮謂處均
皇祖所賜名而以漢字書
永安亦協獵場吉語也

貽謀

家法厓禹蹟式獮塞疆非舜田詠或羣燕天子日所無逆

勵古稀年圍中鹿少纔見一一箭中之勝獲千

今日圍場多鹿祇一

鹿偶一箭中之蒙古王公扎薩克見者無不懼忤自庚辰臂病久弗步射木蘭藉馬力尚可馬射今年適古稀挽強亦不如前即自亦不知其何以中蓋由自幼學習資深耳

出伊瑪圖口

辛巳

塞上千里是周隄

木蘭迤千餘里以山為禁其外北則遊牧南則民田無圍場矣

出柵

依然見室廬

凡谷皆設柵為限俗亦名柳條邊

廿日獮蒐止適可九秋

因鹿幸豐餘村村煙火闌民計處處耕桑異古初

此處勝朝

以前平封之敵脫
民所不能到也

保泰詰戎胥要務深宮高養敢萌予

進伊瑪圖口行圍即事

甲申

今歲應西進溯源伊瑪圖雖云小獵試

初進圍場交界
與其就道間行

連命小試獵騎即是大蒐模駿馬天山換

於烏梁海買駿馬
至即於圍中試射

蒼

鷹曠野呼馳鷹斃一矢差不負彎弧

是地尚近村莊觀
殊少適有一鷹馳

至發矢
斃之

進伊瑪圖口平原小獵

丙戌

輪歲東西進由西例不清初教試原野亦自列旗旂鷹

撮雲飛雉馬驚莽伏麇百年前宰堵突兀見林梢

是日駐布

都爾昂阿行營其東北平阜有舊塔二層歸然尚存蒙
古呼為阿拜諾顏蘇巴爾汗蘇巴爾汗者塔阿拜諾顏
寺園場前額也蓋舊時常為村落今
塔亦祇存其半故俗又呼為半戰塔

廣韻有麇字而沈韻未收字彙謂即麇字麇字在肴
韻然麇見史記稱一角獸而牛尾乃似異獸世不常
見師古注謂似麇麇似麇則信然獨麇無角而麇之
角則小於鹿非一角也蓋鹿角八叉而大麇角不過
一二叉而小意司馬遷本好異又未經親見遂以一

又為一角而奇其說即師古之註亦無不耳食傳訛
因用蹙字故證其失於後

進伊瑪圖口小獵即事得句

壬寅

伊遜

平聲

弗湖九迴阿

往年從東進木蘭必由伊遜崖口
今歲從西進口故湖伊瑪圖河伊

瑪家古語山羊
伊遜之九也

西進伊瑪

平聲

圖亦河北向寒黃霏落葉

秋長暖綠留

去聲

平莎虞人小獵布空谷吉駿

是日所御
為端吉駿

徐馳試廣坡一箭中蹙眾皆喜勝他眾畏者誠多

僧機圖圍場在永安拜圍場之東其北有察罕達

巴漢僧機圖河源出焉僧機圖哈達在其東其南
少西有古松同根異幹高百尺千年前物也遠望
亭亭對立菁蔥爭茂實則一本分枝

皇上行園過此

錫名夷齊松

御製詩

夷齊松歌

丁卯

遯僧機圖之嶺而南折而少西有松焉側倚翠壁

俯臨迴谿雙鯨遙撐千雲霄而上者以尋丈計其
頂乃虬盤埤堦若樓若宮自遠望之謂兩樹之生
有如此相肖乎既至樹下實則同根也乃名之曰
夷齊松而繫以歌

有山盤盤有水潺潺逢二老兮其間遠而望之前者友
而後者恭若伯仲叶也近而睇之日斯邁而月斯征乃
同根生也二老之芳踪吾不得而知也考之古則有其
人曰夷齊也夫何饑西山而僵仆者挺朔漠而輪囷惟

彼與此兮孰主孰賓豈惟周粟之不食兮蓋自賦質以
來曾烟火之未親詎黃農虞夏之不可見兮元黃初判
落落者與天地而長存雪覆曦暄何涼何燠夏茂冬彫
何同何獨獸伏鳥棲何徵何逐胡倚羸封何榮何辱吁
嗟大隱兮視此山木

僧樓圖峰

壬申

僧樓彷彿嵌空云

家古語以山之嵌空者為僧樓因故耳

率律玲瓏信莫

羣設使飛移文翰地度星掛月號紛紛

僧機圖 己卯

峯名也下有夷齊松今自燬於火

夷齊我向名松樹重到松燒灰熄龍名象苑枯歸一幻
箇僧真善示禪機

御製文

嘆夷齊松賦

有序

己卯

僧機圖嶺之下有喬松一根而二大幹向名之曰
夷齊而繫以歌數歲未經此地今來則已燬於火

焦林突兀尚存徘徊其側者久之因感而為之賦
繫橫嶺之案衍舊傳名曰僧機盤羊腸而就下既南折
而少西有喬松之鬱鬱昔號之以夷齊料名實其並壽
豈憔悴之不期因循未過忽忽歲時重尋斯徑謂二老
之我徯遙瞻失望見枯株之獨遺徘徊洛莫於悒吁嘻
夫豈挺根拔出庸詎畏沙石之堙劇既其摩空盤翠又
寧慮霜雪之凌欺是以閱滄桑而永茂侶春擣以無危
擬西山其無忝摘東壁已有詞豈知火母惟木巽即鄰

離匪牧童之偶失蓋谷神所默為爾其心空脈燥不燃
自炊山雨不能息其缺谷風偏復煽其威吾雖未睹其
焮燄陵坂之狀而早想見其灼爇枝葉之時也於是陳
根突兀以孤立雙幹南北以紛披鱗甲剝落卧於巖陁
山禽尋巢而弗得原鹿擇陰以徒悲惜其淪于灰燼命
以車而載之蓋其遭劫燂燬之餘猶足勝棟隆之吉而
九牛領穿以難移者也嗟夫孰具形而無壞孰有成而
弗隳孰云真之匪幻孰恒實之名隨羨枯樹之卓識更感

嘆其奚為然而少言之以八百為春秋者何一經詠纔

周紀而頓毀敗其如斯

夷齊松歌作於丁卯今適周紀

宣二老有待余

之名題也既名立乃飄然返沖漢以無詞也抑謂名者
喪寶之具而有所弗居也將轉燄輪示第一議諦也其
既隳者斯已毀而弗再其不壞者固將同天地而並垂
也知然而猶嘒嘒不已者豈非余之癡也耶

英圖圍場在永安泮圍場之西

以上圍場南界

們都阿魯圍場在伊遜色欽之南

圖們索和圖圍場在們都阿魯圍場之東南

哈達圖扎卜圍場在圖們索和圖圍場之東與德

爾吉圍場接

錫喇德卜色克圍場在安巴究達巴漢之南

巴雅斯呼察罕圍場在巴顏圖庫木東北與錫德

卜色克圍場合

庫爾圖察罕圍場在圖們索和圖圍場之西

額爾蘓錫納圍場在圖們索和圖圍場之南

鄂爾吉庫哈達圍場在英圖圍場之北其南有鄂爾吉庫哈達

鄂倫索和圖圍場在鄂爾吉庫哈達之東

以上圍場中界

哈朗圭圍場在鑲紅旗和爾博爾奇卡倫東

珠爾噶岱圍場在鑲紅旗蘓木溝營房之東珠爾

噶岱河源出焉

孟奎色欽圍場在哈朗圭圍場之東其北有孟奎達巴漢孟奎河源出焉哈拉錦務呼拉達巴漢在其東南

巴顏陀羅海圍場在鑲藍旗東燕子窩卡倫之北西南則哈瑪拉達巴漢巴顏陀羅海河源出焉東南與卜克圍場接康熙四十八年

皇祖仁皇帝於此行圍

親御弓矢射獲大鹿異常產藏角武庫

皇上御製鹿角記以昭

神武識

謨烈焉

御製文

鹿角記

壬午

鹿陽類也夏至感陰生而角解然解者自其委蛻而新
茸即漸長以成角則六陽之義益明蛻其舊而新生必
較舊加長且豐而又四又六又以至八又又歷數十年

而後成或踰八乂者不可辨其年歲蓋千萬中一遇而其鹿亦必數百千年之壽矣嘗聞武庫所載

皇祖時鹿角一記曰康熙四十八年九月五日

上於巴顏陀羅海所獲其長自剗骨至尖各三尺九寸有十分寸之五兩尖抵直得七尺有九寸兩末徑距凡四尺又之數十有六最末者不尖而博狀如魚尾又如芝朶近剗者其圍八寸有十分寸之二既豎且澤不紛而昔景鏐哉是蓋我

皇祖神威所攝山靈不敢闕其珍用出瑞獸以燕

聖人而什襲天府示我後昆俾無忘

前烈詰戎益勤也予小子敬仰之下不訝鹿角之奇而思
鹿角所由來者奇庸可不表章厥蹟勒冊府以永垂乎
月令仲夏鹿角解仲冬麋角解今木蘭之鹿與夫吉林
之麋無不解於夏宣古之麋非今之麋乎是又不可得
而知矣汲冢周書至謂麋鹿之角不解為兵戈不藏不
息之兆荒誕更甚毋容闢譌因為鹿角之記遂並識之

以上圍場西南界

蒐濟圍場在正紅旗麻尼圖布拉克卡倫東

浩賚郭勒圍場在蒐濟圍場之東南

得勒格楞圭鄂博圍場在浩賚郭勒圍場之東北

明安阿巴圖圍場在德勒格楞圭鄂博圍場東南

其西明安阿巴圖河源出焉

喀喇瑪拉哈圍場在明安阿巴圖圍場之東

齊老圖色欽圍場在德勒格楞圭鄂博圍場之東

北其西北有齊老圖達巴漢齊老圖河源出焉

巴顏圖庫木圍場在喀喇瑪拉哈圍場之東北東
與額爾古納圍場接

哈里雅爾圍場在巴顏圖庫本圍場之西北

永安泮色欽圍場在哈里雅爾圍場之北其北有
永安泮達巴漢永安泮河源出焉更東有安巴究
達巴漢安巴究河源出焉東與錫喇德卜色克圍
場接

以上圍場西界

沙勒當圍場在正黃旗沙勒當卡倫之東南圖爾根衣扎爾河在其北

巴顏莽喀圍場在正黃旗納喇蘇圖和碩卡倫之東南其西布哈淖爾南為塔木陀羅海

崆郭羅郭博圖場在正紅旗齊呼拉台卡倫之東阿魯布拉克圍場在塔本陀羅海之東其南則額墨勒達巴漢東北則雅岱與永安湃色斂圍場接

鄂勒哲依圖察罕圍場在雅岱東北其北鄂勒哲
依圖察罕河源出焉

以上圍場西北界

扎喀烏里雅蘓台圍場在鑲黃旗賽堪達巴漢色
欽卡倫之南東與色呼圍場接

都呼岱圍場在圍場正北更北為達爾罕賽堪摩
敦摩敦河源出焉東流百餘里至英格卡倫出圍
場界稍西為都呼岱河源東南有諾敦台河源摩

敦河之上流也勒福窩集在其西林木深茂其積
水海子曰西拉諾爾在勒福窩集西南都呼岱為
圍場極北界其北則興安大嶺拔地際天廣袤不
知紀極其中峰曰巴龍桑阿蘇台蒙古奉為鄂博
者也乾隆十四年八月七日

上行圍至都呼岱次日

登興安大嶺

御製長歌以紀之

御製詩

登興安大嶺歌 己巳

隆崇乎興安之高極天蔽虧陰陽日月不得擅其照
變幻寒暑造化不能搯其權溺愛少男或驕縱人情有
之昊乾胡獨不然豐隆列缺供使令屏翳飛廉相後前
元黃欲判猶未判神邱卓立鬱為萬物先邇來三萬六
千歲未許塵世知津源腐儒耳食各享帚浪傳宗惟泰
岱靈著我巔巔蓬萊三山只培塿宜居地仙豈可方此

居天仙谷蠡荒略闕文獻但詫遊收謹避偶過無不膜
拜加敬虔祖龍立界不敢近却臨滄海施神鞭乃知奧
宇異凡世洞天福地皆虛言興安之高高極天西來崑
都崙東接長白山是為二峯之中氣如宗承祖嫡胄綿
千枝萬派分案衍為嵩為華相牽連杭愛在喀爾喀之北阿爾
台在準噶爾之東舒右臂索岳爾濟在黑龍江之西憑左肩向背雖殊
條幹同繁星拱北海納川特言其小數千里結為靈圃
之木蘭何奇不儲物不畜那能一一徵言詮雲夢上林

赤縣內相如楊厲尚爾搞鴻篇使其知此退三舍故予
不復雕蟲焉

皇祖昔年曾一至即今

聖蹟蒼巖間我來獮狩近瞻仰賢王奔走相周旋朝發行
營質明到金風謾謾高秋寒時為衡嶽之開雲晃以朱
鳥溫暾暄時為傳巖之作霖霏以玉葉鋪瓊田瀏莅卉
歛奏萬籟意謂山中饒管絃此虎間砢舞衆木若示羽
衛森續繡木蘭形勢指諸掌南臨按轡一覽全北顧蒼

茫乃無際邊防久計心籌補興安之高高極天非我作
歌其誰傳

於興安作

壬申

一嶺界南北寒暄殊節候龍幹衍堂堂萬派此輻輳陽
巘林始丹高低如錯繡陰崖葉全落樾底天光漏榆塞
古王庭雁磧今靈囿續武永思艱守文益惟懋

巴龍桑阿蘇台歌

興安大嶺巍堂堂千派萬緒業衍長桑阿蘇台居中央

如國宗子承宗祊嶠峯嶺巋塘此窳窳隱倚蟠復翔
為宮為霍為堂皇上有神池滄雲聚萬年不及守以龍
叫不動聲色鎮四方人楓仙檜君子篋赤羅白鹿及銀
麋飛鳴鸛鶴連鸞凰茯苓琥珀芝九英博產真埒富媪
藏一樹不許斤斧戕一獸不許弓矢傷獵騎謹避左近
旁猶然風雨來無常更不許人稱其名天男貴重誠莫
京周裨寰海所未詳孕佺育羨其術臧乃使成名於南
疆恥與岳鎮相夷行我今作歌昭靈祥崇邱雲裏遙相

望似云如是名何妨

於興安作

己亥

大幹崇盤盤靈區結木蘭山惟向北迴節應當秋寒獵
場深益佳興安真興安林有落葉松獸多大角獐鹿鳴
哨可至雁飛俯以省漠南昔王庭海西令材官相於奉
時獨樂志餘清歡念茲匪易致永言思其艱

於興安作

丁丑

興安高隆崇如屏圍匝匝木蘭今上林歲歲行秋獵是

惟極北峯近天尺五葉乾坤互開闔雲霧幻吐納荔丹
已垂實松青未落葉曉寒欲輕裘午暄仍細氎即景率
可會託興亦多愜執役來諸藩晝日每三接於馬示懷
柔寧云事威懼

於興安作

乙酉

興安稱最高隆崇衍諸派設云已造極向北豈無界三
萬六千軸固不一嶺概得一亦挈萬底更舉嵩岱是時
金秋霽蘭椒淨塵塹槍竿獨玉積下有雲為帶奇境自

太古夫誰能寫繪霜坂鹿蹤紛晴空雕羽快歲歲茲行
彌諸部覲王會施惠將詰戎皇綱邈無外

興安雜詠

乙未

一嶺暄寒頻爾分鴻鈞那復費功勤今年秋令長往歲
依舊高峯簇綠雲

千二百人善魚貫合圍致遠復鈞深學如明道稱純粹
見獵依然有喜心

崇古山川大塊文寧須點筆更云云忽聞仙籟雲端發

却是林間過鹿羣

吉驄擇地小驅諸筋力自知不似初峻坂下馳已弗作
底須諫獵馬相如

舊部新藩前後隨便教有喜衆同知曾孫九歲學圍出
我更何須鑷白為

等城

六營亦謂之等城宿侯國也

清曉視調羹賜食聊因比大烹

等城

傳膳賜蒙古王公及隨從大臣等朝餐其飯則視視和羹也

飽暖饑寒寓忠恕詎惟

宰肉擬陳平

曉寒午暖自其常
馳射仍須換薄裳
明識秋陽當景暴

擅廬晨起見輕霜

俗云嚴霜出赤日

誰能到此默無情
地迴山高水復清
武帳待圍還有暇
促教短句八章成

圖爾根伊扎爾圍場在正黃旗錫勒扎巴色欽卡
倫之西南其北則圖爾根伊扎爾河源出焉西流
百餘里至正紅旗扣肯陀羅海營房出圍場界東
則穆呼勒伊扎爾河源出焉西流入圖爾根伊扎

爾河更東南則托克隆和賚河源出焉西南流過
塔本陀羅海南流一百五十餘里至鑲紅旗海拉
蘇台卡倫出圍場界

以上圍場北界

圍場岔徑相距每數十里近者數里休羣力也由
伊遜哈巴奇入東北至塔里雅圖三十一里塔里
雅圖北至永安莽喀五里永安莽喀東北至巴顏
喀喇二十五里巴顏喀喇北至威遜格爾三十四

里威遜格爾東北至溫都爾華五里溫都爾華西
至誇爾根郭勒十六里誇爾根郭勒東北至巴顏
布爾噶蘇台十七里巴顏布爾噶蘇台西北至巴
顏郭三十四里巴顏郭北至岳樂七里岳樂西至
珠爾十四里珠爾西至巴顏木墩十一里巴顏木
墩東南至德爾吉三十四里德爾吉東至達顏德
爾吉八里達顏德爾吉南至畢圖舍哩五里畢圖
舍哩西至阿濟格赳十二里阿濟格赳東南至多

們十里多們西至額埒蘇錫納二十四里額埒蘇
錫納西至鄂倫索和圖十里鄂倫索和圖東北至
庫爾圖察罕十一里庫爾圖察罕西北至錫喇德
卜色克十五里錫喇德卜色克北至鄂勒哲依圖
察罕三十五里鄂勒哲依圖察罕西南至永安泮
色欽二十五里永安泮色欽南至巴顏圖庫木二
十里巴顏圖庫木東南至鄂爾吉庫哈達十里鄂
爾吉庫哈達南至永安泮二十五里永安泮西至

英圖六里英圖西至哈里雅爾十五里哈里雅爾
西至喀喇瑪拉噶三里喀喇瑪拉噶北至齊老圖
色欽二十五里齊老圖色欽西北至明安阿巴圖
十八里明安阿巴圖西至德勒格楞圭鄂博十里
德勒格楞圭鄂博南至孟奎色欽二十五里孟奎
色欽東南至巴顏陀羅海二十八里巴顏陀羅海
南至卜克三十六里卜克東至卜克柵二十五里
由巴顏郭東至默爾根烏里雅蘇台十三里默爾

根烏里雅蘇台北至呼魯蘇台十四里呼魯蘇台
西南至巴爾圖十三里巴爾圖北至色呼八里色
呼西至烏里雅蘇台二十四里烏里雅蘇台西稍
南至都呼岱八里

由阿濟格赴北至哈達圖扎卜十七里哈達圖扎
卜西至圖們索和圖六里圖們索和圖西至們多
阿魯二里

由永安莽喀北至坡賚二十七里坡賚北至默爾

根精奇尼十三里默爾根精奇尼西南至固爾班
固爾班十二里固爾班固爾班西至僧機圖二十
八里自僧機圖西行固察爾巴呼嶺即永安拜圖
場

由巴顏陀羅海西至珠爾噶岱四十二里珠爾噶
岱北至哈朗圭二十里哈朗圭東北至浩賚郭勒
二里浩賚郭勒北至蒐濟三十七里蒐濟北至崆
郭羅鄂博十五里崆郭羅鄂博東至阿魯布拉克

三十里阿魯布拉克北至巴顏莽喀十三里巴顏
莽喀北至沙勒當三十五里沙勒當東至圖爾根
伊扎爾五十里自圖爾根伊扎爾北行踰錫喇扎
巴達巴漢循圍場北界紅柵東行至海拉罕達巴
漢度嶺東南行可達烏里雅蘇台圍場

由汗特穆爾卡倫入東至汗特穆爾圍場十八里
汗特穆爾圍場東至庫庫哈達二十五里庫庫哈
達東至愛里色欽十五里愛里色欽北至喀喇楚

古爾蘇十三里喀喇楚古爾蘇北至克勒十七里
克勒西至固爾班錫納十二里固爾班錫納西北
至察罕扎巴三里察罕扎巴東至錫喇諾海二十
六里錫喇諾海北至噶海圖七里噶海圖北至布
扈圖十七里自布扈圖西行可達威遜格爾圍場
由麻尼圖卡倫入北至布都爾二十二里自布都
爾北行可達永安泮圍場

凡圍場官制總管一員康熙四十五年設秩四品

乾隆十八年改為三品左右翼長各一員乾隆十八年設秩四品章京八員康熙四十五年設秩六品乾隆十八年改五品驍騎校八員乾隆十八年設秩六品總管屬理藩院統轄翼長章京驍騎校由總管遴選本處官員送院請

旨補授

凡圍場駐防官兵八旗滿洲蒙古兵丁八百名康熙四十五年設一百一名雍正十二年增設九十

名乾隆十八年增六百九名由八旗都統於八旗
滿洲蒙古兵丁內挑取每兵一名給地一頃二十
畝又以都呼岱口復興安等處地冷霜早難以耕
種將鑲黃正黃正紅三旗兵丁每名改給乳牛三
頭每三十頭各給犍牛一羊三十

凡圍場禁令卡倫以內蒙古民人毋得闌入其盜
牲畜者分別治罪該管官處分如係蒙古交扎薩
克嚴行約束

欽定熱河志卷四十六